



Tir Yimym

www.tiryimym.in

Regd. No. RNI. NAGAAO/2004/13113. Postal-NE/RN-717.

e-mail : tiryimym@gmail.com

TAPAK 7

Yangia anidakangma :

f Tir Yimym

ig tiryimym@aolima

yt tir yimym

TAPAK 8

Bangladesh nung dengue agi nisung 170 dak tema süogo

Karman Kaur Thandi-i ITF W60 Evansville kokogo



VOL. XX NO. 282 (ADOK 282) DIMAPUR SANGTENNÜ (TUESDAY)

CHITENI (JULY) 25, 2023

₹ 5.00

Nagaland ya LSD positive state ta sangdongogo

Dimapur, Chiteni/July 24 (TYO): State kübok district pezü nung Lumpy Skin Disease (LSD) aliba putetba mechi Nagaland ya Lumpy Skin Disease (LSD) positive state ta sangdongogo.

"The Prevention and Control of Infectious and Contagious Diseases in Animals Act, 2009" nung aliba ama iba sangdong ya agütsü.

Directorate of Animal Husbandry & Veterinary

Services ajanga tim State Government Department den shisa agitepba sülen Government of India, Ministry of Fisheries, Animal Husbandry & Dairying, Department of Animal Husbandry & Dairying, New Delhi ajanga agütsüba Advisory & Guidelines nung shia aliba ama iba tashidak nokdangtsü asosh nungdakba mera ajak agütsü, ta sangdong ajanga ashi.

Nagaland Village Guards senzüka metoktsütsüla: NPCC

Dimapur, Chiteni/July 24 (TYO): Village Guards ya asen state asoshi tejak tentetdak aser state nung yimjung lidaktsüba nunga mezümpur lir. Parnoki temolung ajak agi bendanga agütsür anibelem mesasai meta tezüluna international borders tashinung oa mapa inyakba asenoki mango-memetet yutsür, ta NPCC indang sangdong ka ajanga ashi.

State indang tzüzüng ozüing wazüka ayuba nunga administration dang parnok tama asür. Parnoki tanü-asüing aser akhi Naga nung nokinketer yimya amshiba nung kanga temolung asür, aser state sorkari state security emergency mapang

police den kasa teyari agir, ta sangdong ajanga ashi.

Parnok medeni State nung inyakyim kecha merenemer, anungji 'primary grass-root security forces' ama tenzüka Nagaland Village Guards tem teti asoshi 'primary status' nung meyütsütsüla. Nagaland Village Guard nem par dak alang service nung jenjang ajungketja tongtipang facilities tem agütsütetra parnok ya state sorkar asoshi tejak tentetdak aser akhum ka asütsü.

Anungji State aser Nagaland Village Guards tejak kumzüka ayütsü asoshi aser ajak ajungtsü asoshi State sorkari parnok akhangba reprangshima inyaktsü ajungshir, ta NPCC ajangasa ashi.

Imphal nung Union Minister RK Ranjan Singh'er ki raksatsü



Imphal nung Union Minister RK Ranjan Singh'er kimalen longkak aiterem adenshia aliba noksa nung angur.

Imphal, Chiteni/July 24 (Agencies): Parliament nung Manipur tensa indang jembiang ta takhangba agüja Imphal nung Union Minister RK Ranjan Singh'er ki anasa tetsür telok ka longkak aiterem iba telok maziüoktetü akum.

External Affairs atema junior minister ki ya ita ana nung tanaben raksatsür alitsü. Manipur University nungi kaketshir temia kasa anogo state nung yimjung lidakjang ta takhangba agüja rally ka ayongzüka liasü.

Rally agütsü atema temelaba agütsüba tesem aema lanurtem aruba senshidaktsütsü mechi police temi tear gas khalokja liasü.

May 4 nü Kangpokpi district nung tebur telok kati tetsür ana mangsa anir senzüba video ka July 19 nü temai adoka linük tesem ajungalen nungi aitsür anogo ishika lir Imphal nung ibai atalok.

Ajisüka iba ki raksatsüba mapang kidang nisung kata

meliäsü aser ki kangabo meraksatsü. Imphal jila künok Kongba tesem nung aliba sepaitemi longkak aiterem senshidaktsü, shirnoki internet service lapokjang ta khanga liasü.

"Minister-i Parliament nung state indang tensa atema jembitsü onoki akhanger. Onoki internet service aginer. Onok dak kechi atalok aji onoki nüburtem dang shiner," ta longkak aiter kati ashi.

May 3 nü kin ana tsüngta rongrong tenzüka mapang Manipur nung keddangtsür temi internet service mezünguba shibangja liasü. Yimjung aser nübur libaliru meinprong masütsü atema mapang shia internet shibanga aliba atsülangtsür.

June 15 aonung nisung telok kati minister Rajan Singh'er ki amak aser rongdoktsütsü merang, ajisüka security guards aser firefighter temi azüoka ki ya kitsük-kirong nungi kumzüktet.

Nagaland nung tetsü oshi amshia sayutsü tasak: Advisor Yhome

Kohima, Chiteni/July 24 (TYO): Nagaland Board of School Education (NBSE) den lungjemer PARAKH ajanga 'A study of school assessments & examination practices and equivalence of Boards' indang anogo pezü regional workshop ka NBSE indang Conference Hall, Kohima nung tenzüko.

Iba workshop nung Meghalaya, Mizoram aser Tripura nungi teshimtet nisungtem aser ano Board of Open Schooling and Skill Education Sikkim aser Council for Indian Certificate Examination (CISCE) aser National Institute of Open Schooling (NIOS) nungi ketdangtsürtem dentagi, koba July 27 nü tembangtsü.

Performance Assessment, Review and Analysis of Knowledge for Holistic Development (PARAKH) ya National Council of Educational Research and Training, New Delhi indang constituent unit ka lir.

Iba sentong nung tesemdanger tongti ka ama jembidang, Nagaland nung NEP 2020 aser talisa linguistic area nung mapa küma amshitsü tasak lir, kechiaser state nung oshi-oben 20 dak tema lir, ta Advisor, School Education & SCERT, Dr. Kekhrielhoulie Yhome-i ashi.

Yimdak yimtsüngtem nung

tetsü oshi agi sayutetsü saka developing areas nungbo tasak, ta pai ashi.

India nung state aika nung NCERT-i amshiba 'knowledge exportation model' nung manidakteter. Ibaji koktetsü atema NCERT ajanga educational resources tsütsü ajaki amshitetsüsa policy yanglutsü bilemtsüla, ta pai ashi.

School tem nunga vocational education mapa küma amshiba nung timtem ajurur, kechiaser parnok resources aser tesayur tetemsü monguteter, ta Advisor Yhome-i ashi.

Ibaji koktetsü asoshi region nung 'vocational diversity' angatetsüla aser lisopuri amshiba vocational education temaba jenjangi ajungkettsüla, ta pai ashi.

NBSE Chairman Asano Sekhose-i ashiba agi, NEP 2020 nung shia aliba ama National Assessment Centre amenoktsü atema PARAKH ya standard-setting body ka lir aser parnok kaketshir assessment aser evaluation atema norms, standards aser guidelines tem yanglur aser ibaji ajanga India nung recognize süa aliba school board ajunga mapang shidak nung asadangteta academic standards kasa agütsür.

Boards tem nung tatidang agiba ya tang tasen masü, saka

NEP 2020 ajanga assessment aser examination nung rangloker asünung competency based testing, testing of core concepts and knowledge, higher order skills dangi melener aser itemji asangsang nung amshitetsü, ta lai ashi.

Iba assessments yagi school nung classroom teaching indang kanga junga metetsü, ta lai ashi.

Asen jakdang tayongzüka lir, saka stakeholders ajunga den lungjemer asenoki temelenshi bener arutetsü aser tangazüker asoshi tajungba akümtsü, ta ashi.

NEP 2020 ajanga agütsüba assessment ya kaketshir asoshi tajung aser parnok tatidang nung tajungba kümdaktsür aser NEP 2020 den lirumedema NBSE-i tang aliba rules tem yanglushiogo, ta lai ashi.

NCERT nungi shisalen sayur temi PARAKH indang nükjidong taroktiba angatetsüsa North Eastern Boards tem renemtsütsü imlar, ta Sekhose-i ashi.

NCERT Professor M. V. Srinivasan-i iba sentong indang tongmelang agi lemsatet aser NBSE Joint Secretary, Iluheing Nsarangbe-i Board inyakyim lemsateta liasü.

Iba sentong nung menden NBSE secretary Rangumbuing Nsarangbe liasü aser NBSE Academic Officer Dziesevolie Tsürho ajanga sarasadema liasü.

BSUP scheme kübok matamabensar asoshi ki yanglushitsütsü tuyur

Dimapur, Chiteni/July 24 (TYO): State nung mapa kuma inyakba Housing Schemes nung matamabensartem asoshi shilem 5 wazüka yutsüba dak sendakba nung State Commissioner for Persons with Disabilities (SCPD) indang Court ajanga Municipal Affairs Department nem Suo Motu Inquiry ka agütsüogo.

Iba sülen May 11, 2023 nü Disability Commissioner Diethono Nakhro-i anir Additional Director & HOD Municipal Affairs, Solesul Thole aser department ketdangtsürtem aliba SCPD team kati Kohima nung Ruziezou, K Badze aser Meriema nung Basic Services to the Urban Poor (BSUP) scheme kübok yanglua aliba ki semdanga liasü.

Rights of Persons with Disabilities Act 2016 indang Section 37 (a) (b) aser (c) aser Nagaland Rights of Persons with Disabilities Rules 2019 indang Section 44 nung mela aliba ama respondents, Municipal Affairs Department ajanga, ground floor nung BSUP kübok 'dwelling

units' ya matamabensar atema yutsütsü, ta ashi.

Anungji SCPD Court ajanga Municipal Affairs Department dang matamabensartem litetsüsa BSUP facilities ya yanglutsü ashi.

SCPD Court ajanga ashiba agi, BSUP units telung nung matamabensar asoshi latetja aliba kishi ajunga wheelchairs aser danga 'assistive aids' mela-mela amshitetsüsa yanglushitsüla.

Matamabensar asoshi latetja aliba ki aser unit ajak nung Harmonised Guidelines and Standards for Universal Accessibility in India 2021 nung aliba ama ramps aser nungdakba provisions kettsütsüla, ta ashi.

Ki ajak nung lenmang lapoktsütsüla aser compound nung kokra lenmang lapoktsütsüla.

Shidokshiraba tzü aoba lenmang aser sanitary pipes tem matamabensartem sadema mesenzütetsüsa aliba ajak repranger yanglushitsüla aser metzü meshiba telung nung aliba sewer pipes tem indoktsüla, ta SCPD Court ajanga ashi.

'Indians style commodes'

ajak 'Western style commodes' agi melentsüla aser commodes tem meinokdang ajungketa aliba ajak agientsüla. Metzü meshiba tesem ajak nung lenden aser metongi bars/grab bars/safety frames aser hand bidets inoktsü kanga tongtipang, ta ashi.

COVID pandemic mapang nungi BSUP building tem nung osettsüset rizünga aliba ajunga agientsüla, aji asünung dang item ki nung tekeraba nungi nisung ali tenzütsü, ta Court-i ashi.

Maneni tang nungi tenzüka matamabensar asoshi osangtsüsang ajak electronics aser print media nung adoktsütsüla aser ano radio aser danga local news channels tem nunga sangdongtsüla, kechiaser matamabensar aikati sorkar indang department mesüra Local Panchayats nungi iba amala osang mangor, ta Court ajanga ajungshia liasü.

Item teinyaktsü mapa ya Municipal Affairs Department ajanga ita asem tsüngra renemer iba osang Court nem agütsütsüla, ta sangdong ajanga ashi.

Nagaland nung Export Awareness sentong agiogo



Industries and Commerce Department indang Conference Hall nung Export awareness programme agiba mapang tangokba noksa nung angur.

Dimapur, Chiteni/July 24 (TYO): Industries and Commerce Department-i July 24 nü Directorate of Industries and Commerce Conference Hall nung Export Awareness sentong ka ayongzüka agiogo.

Iba sentong nung Advisor to Industries and Commerce, Government of Nagaland Hekani Jakhalu alakteta jaoker liasü.

Sentong nung Kekhrievor Kevichusa, Commissioner & Secretary, GON (Government of Nagaland), Amit Sharma, Joint DGFT (Directorate General of Foreign Trade), Kolkata, GOI (Government of India), Meyasahi, Director of Horticulture, aser Albert Ngullie, Director of Land Resources nungeria shilem agia liasü.

Sentong nung o jembiba mapang Hekani Jakhalu-i, export dak sendakba nung Nagaland-a alimai jangja akümba atema pelaba lemsatepa liasü. Laisa, sentong nung shilem agir ajak dang iba sentong ayongzüka agiba ya tajangzük akaba sentong ka kümdaktsüsü ajungshi.

Lai, State indang export sector takok nung aotsü atema department tem longjemtsü koda tongtibang iba indang lemsatep. Laisa, department tem dang longjemer inyaktüsü

aser talisa imlaba ama nükjidong tongtettsü atema Industries and Commerce Department aser Agri and Allied department tem longjemtsü ajungshia liasü.

Sentong nungsa Amit Sharma-i o jembiba mapang, institutionalizing aser export inyakyim atsülangshiba dak rangloker export koda tongtibang iba indang lemsatep. Paisa, North East nung aliba state tem nung infrastructure aser logistics dak sendakba nung tetsüdaktsü ajuruba kokteta aotsü atema Trade Promotion Wing indang shilem aser inyakyimtem indang lemsatep.

Maneni Sharma-i sorkar tenzükerkem dang aluyimertem nem tangazükba agütsüsü aser export dak sendakba nung tetsükdaktsütem kokteta aotsü atema jenjang tapet agitsü ayongzük. Paisa, Nagaland nung adokba chiyongtsü aser osettsüt balala wazüka ayutsü atema GI (Geographical Indication) tagging koda tongtibang iba indang lemsatep.

Kasa mapang nung Kekhrievor Kevichusa-i, osettsütem name tag represent asütsüba indang jembiba aser entrepreneur tem dang Ganesh Nagar nung amenoka aliba export aser import center takokba tashi amshitsü ajungshi.

Pai Dimapur nung Model Export Facility amenoktsü aliba indang metetdaksü, koba ajanga export sector nung state nung aliba entrepreneurs tem ajangzüktsü ta ashi. Kevichusam-isa, export atema facility nungdakba indang lemsatepba den state nung export inyakyim tajungba kümdaktsüsü atema department tem longjemtsüba indang jembiba liasü.

Horticulture Director, Meyasashi-i, Nagaland trade deficit indang aser sorkari iba ya non-trade deficit state ka kümdaktsüsü atema tasa asaba indang lemsatep. Pai, export takok ngua asütsü atema cluster farming inyakyim aser quantity, quality, aser pricing standard shitak ayutsü kanga tongtibang, ta ashi.

Maneni sentong nung Land Resources Director Albert Ngullie-i, department-i achaayanga coffee aser rubber tsünüba koda renloka odar iba indang lemsatep. Pai, Nagaland nung adokba coffee linük kübok tesem balalai yoker aser iba den Switzerland aser South Africa densema linük balalai yokba indang metetdaksü. Paisa, alima nung shishilembadak Nagaland nung adokba coffee maitsü kümzüka ayutsü koda tongtibang iba indang lemsatep.

Petroleum & Natural Gas dak sendakba nung Ministerial Group ka tentetogo

Dimapur, Chiteni/July 24 (TYO): Nagaland Angh-i, 2023 nungi 2028 tashi atema Petroleum & Natural Gas dak sendakba nung Ministerial Group ka tentettsüogo.

Iba telok nung züngsemtem yamai alitsü:

1. Neiphu Rio, Chief Minister : Chairman
2. T.R. Zeliang, Deputy Chief Minister, P&T : Member
3. Temjen Imna Along, Minister Tourism, H.Edu. : Member
4. Mhathung Yanthan, Advisor Agriculture: Member
5. A. Pangjung Jamir, Advisor Fisheries & Aq. Resource. : Member
6. W. Chingang Konyak, Advisor G&M, DUDA: Member
7. Chief Secretary



Assam Rifles-i, "WE CARE" campaign nung shilem ka ama Mon district kübok Changlangshu nung Parents Day ayongzüka mungogo. Iba sentong nung Bumei aser Changlangshu yimtsüng nungi tsürapur 16 aser tanur 10-i shilem agia liasü. AOR nung yimjung aser tesunep ajungkettsü atema Assam Rifles-i jenjang tajung agiba atema tsürapurtemi kanga pelaba lemsatepa liasü.

4buba DNSU Union Assembly ayonger

Dimapur, Chiteni/July 24 (TYO): Dimapur Naga Students Union-i sangdong ka ajanga, DNSU nung züngoksema aliba unit tir, tongti zülur aser Dimapur Naga Students Union züngsemtem dang, 4buba Union Assembly July 26 nü Hotel Cedar, Dimapur indang conference hall nung

nikongtsüsü 4:00 ako nungi tenzüksü ametsü ayongba metetdaksüogo.

Iba dak sendakba nung unit tir aser tongti zülurtem, sanen luden züngsemtem aser DNSU lenir tejentem dang senden nung tamakok maludaktsüü jangrabangra arua shilem agitsü atema mepeshia metetdaksüogo.

ULFA-I-i amokmerenba ya kecha tasen masü: Assam DGP

Guwahati, Chiteni/July 24 (Agencies): Assam director general of police (DGP) GP Singh-i, Paresh Baruah-i aniba ULFA-Independent (ULFA-I) teloki pa amokmerenba dak sendakba nung pa teilemba lemsatepogo.

encounters" tem anendaktsüsü tetuyuba agütsüogo.

"Fake encounters anenang mesüra Assam toktsür oang," ta ULFA-I puri DGP GP Singh dangi yokba shiti nung shia lir.

Iba telungpur telok den sendaktepba alitsü ta temulung meleme bilema Dibrugarh district nung Indian Army aser Assam police personnel temi tetsür ka apuba sülen ULFA-I puri iba amokmerenba shiti ya yoka liasü.

ULFA-I-i pa amokmerenba indang jembiba mapang Assam DGP GP Singh-i, iba telungpur teloki amokmerenba ya kecha ken o tasen ka masü, ta ashi.

Paisa, police ka ama küm talangka inyaka aruba mapang kiralongrar telok balalai pa amokmerena aruogo, ta ashi.

"Iba ya ken o tasen ka masü aser ULFA-I kijai amokmerener masü. Kü indang career nung ni kiralongrar telok balalai amokmerenogo," ta Assam DGP GP Singh-i ashi.

"Pua aliba tetsürla ya ULFA-I den sendaktepa maliasü. Anungji onok tenüng teyazü nung amshia Assam nungertem amokmeren tesü," ta ULFA-I lenir Rumel Axom-i ashi.

Maneni ULFA-I-isa, Sivasagar district nungi nisung ka tenüng agi Hem Chetia shiba rakzükrakdemba atema puogo, pa ya parnok den kecha sendaktepa maliasü ta ashi.

"Onok mapa inyaktüsü atema onok nem taah agütsür aser iba amala amokmeren ya süoki ia agitsü atema kecha nungdak mali ta bilemer," ta DGP-i ashi.

Temetetsükaji ULFA-I-i tawa DGP GP Singh amokmerena shiti ya yokogo aser pa dang state nung "fake

"Sivasagar kübok Geleki nungi Hem Chetia, shiba tawa apu aser police-i tetsüng nung injang agi kha liasü, pa ya ULFA-I den kecha sendaktepa mali," ta Rumel Axom-i ashi.

BVFCL Namrup plant shibangba anema AASU-i longkak ait

Dibrugarh, Chiteni/July 24 (Agencies): Union Minister of State for Chemicals and Fertilizers Bhagwanth Khuba-i, committee of Group of Officers (CGO) kati Namrup nung Brahmaputra Valley Fertilizer Corporation Limited (BVFCL) shibangtsü benokogo, ta sangdongba sülen All Assam Students' Union (AASU) züngsemtemi Honibarnü Dibrugarh nung longkak aita liasü.

liasü.

Assam Congress MP Gaurav Gogoi-i Lok Sabha nung BVFCL Namrup asüngsashitsüba indang asüngdangba dak sendakba nung Khuba-i, 2022 küm August ita CEO, NITI Aayog lenisüba nung CGO senden amenba mapang BVFCL shibangtsü atema benoka liasü ta ashi.

Dibrugarh district kübok Namrup nung amenoka aliba BVFCL ya inyaksangshitsü asoshi tasak kümogo, kechiyong production kanga ajema kümogo.

AASU züngsemtemi Dibrugarh jila nung rally ka ayongzüka agi aser iba sülen union minister Khuba indang noksa rongtokja liasü.

Parnokisa, sorkari iba plant shibangtsü asoshi telemtetba agiba asadangshitsü khanga Dibrugarh Deputy Commissioner nem tezüluba nung takhangba ka agütsüogo.

BVFCL Namrup-1 unit ya 1969 küm amenok aser 2017 küm shibang. Kasa mapang nung Namrup-2 ya 1976 küm aser Namrup-3 ya 1987 amenoka liasü saka technology aser machinery kanga tejen asüba agi inyaksangshitsü tasak kümogo.


Iba telemtetba agiba anema longkak aitba mapang Namrup Fertilizer Workers' Union züngsetem aser local temi union minister, Assam Chief Minister Himanta Biswa Sarma aser local MLA Taranga Gogoi nung indang noksa rongtokja

AASU-isa, sorkar dang BVFCL Namrup plant shibangtsü atema telemtetba agiba ya asadangshitsü takhangba agütsüba den iba plant ya asüngsashitsü atema jenjang agitsü sorkar dang mepeshia metetdaksüogo.

Centre-i Manipur atema jembitsü melunga lir: Amit Shah

New Delhi, Chiteni/July 24 (Agencies):

Hombarnüa opposition party temi Parliament nung Manipur nung rara atema jembitsü takhangba agütsü, aser iba dak sendakba nung Union Home Minister, Amit Shah-i, sorkari iba onük jembitsü melunga dang lir, ta ashi.



Opposition lenirtemi Ato kilonser, Narendra Modi-i Manipur rara dak sendakba nung Parliament nung sangdong ka agütsütsüla, ta akhangar.

Union Home Minister Amit Shah-i, Centre sorkari Manipur atema House anaprongla nung jembitsü melunga lir, ajisiüaka opposition-i Ato kilonseri tama sangdong ka agütsütsüla ta akhangar, ta metetdakja liasü.

Hombarnep 10:00 ako nung opposition teloktep INDIA nungi lenirtem Congress Tir, Mallikarjun Kharge indang office nung adenshia senden nung jembitsü atema asalentong yanglua liasü.

Tzüngluruwa mongpu Parliament tenzüka sülen anogo tasembuba nung opposition teloktep nungi lenirtemi Parliament kima longkak aita Ato kilonser Modi-i House anaprongla nung Manipur tensa atema sangdong ka agütsütsüla, ta takhangba agütsü.

Hombarnü Amit Shah-i, "House nung Manipur atema jembitsü ni melunga lir. Ni Opposition dang iba onük nung o lemtepdakjang ta mepishir. Iba ama tongtibang onük ka nung linük nüburtemi ochi metettsüji kanga tongtibang," ta ashi.

Osangbenertem den

indangindanger. May 3 nungi tenzüka Manipur nung tatalokbatem atema Ato kilonseri sangdong ka agütsütsüla, iba sülen ang onoki tejashi aser yimjung atema lemsateptsü," ta metetdaksü.

H o m b a r n ü osangbenertem den jembidang Rashtriya Janata Dal (RJD) MP, Manoj Jha-ia, "Ato kilonseri Parliament House anaprongla nung sangdong ka agütsütsüla. Iba sülen ang iba onük atema o lemteptsü," ta metetdaksü.

Shiv Sena (Uddhav Bala Thackeray) lenir, Priyanka Chaturvedi-i, "Onokia senden junga aginer aser Ato kilonser nem telangzüba agütsüdaktsüner. Onoki Parliament nung rongrong madokdaksüner," ta metetdaksü.

Shiv Sena (Uddhav Bala Thackeray) nungisa lenir, Sanjay Raut-i, "Manipur nung atalokba ya alima ajaki repranga atadar. European Parliament aser US (Congress) nunga iba onük jembir saka asen Parliament nungbo iba onük mejembir," ta ashi.

Hombarnep osangbenertem den jembidang Rajya Sabha nung Trinamool Congress floor lenir, Derek O'Brien-i, "Anepdang 10:30 ako nung INDIA teloktep nungi MP 300-i Manipur tensa atema Mahatma Gandhi kürakyanglu anasa mener longkak aittsü. Iba sülen 11:00 ako nung onoki Ato kilonser dang Manipur tensa atema sangdong agüjang, ta takhangba agütsütsü," ta metetdakja liasü.

jembidang Congress Tir, Mallikarjun Kharge-i, "Onok takhangbaji, Ato kilonseri senden nung sangdong ka agütsütsüla. Iba sangdong nungji o lemteptsü onok renema dang lir," ta ashi.

Congress MP, Shashi Tharoor-ia, "Ato kilonseri Parliament nung jembitsüla. Parliament nung adenshitsu, Ato kilonser dang tasüngdangba akatsü aser angadangtsü atema maongka manguba parliamentary democracy ka danga alima nung mali," ta ashi.

Osang angazükba agi, Congress lenir Manish Tewari-i senden nung Manipur nung rara atema o lemteptsü asoshi adjournment motion notice agütsü aser Lok Sabha nunga Congress MP, Manickam Tagore-i Manipur tensa atema jembitsü atema Adjournment Motion Notice agütsü.

Hombarnü Congress MP, Jairam Ramesh-i twitter ajanga Ato kilonser Modi dang Manipur tensa atema sangdong ka agüjang, ta takhangba agütsü.

Pai twitter ajanga, "Tanü tzüngluruwa mongpu Parliament senden tasemnübuba tenzüker. INDIA teloktepi akhangbaji

den

KONANG TETUSHI AGÜTSÜR

Chuchuyimlang Mejungenshi Aso Dimapur & Kohima Unit-i, Kongro MAONGSENLA, D/o. Late. Subongangba Pongen & Wt. Yarenkala Jamir, NSSB Exam nung takok nguteta, "Horticulture Extension Assistant" Department of Horticulture, jenjang ngutetba atema konang tetushi agütsür.



Teyanglur Tsüngrem-i la taküm aser wadang nübür asoshi maneni moajangma.

Sd/ (IMSUMANEN) President

Sd/ (TONGPOK PONGENER) Secretary



July 24, 2023 anepdang New Delhi nung Parliament kima Congress Tir aser Rajya Sabha nung Opposition Lenir, Mallikarjun Kharge den INDIA teloktep nung aliba party balala nungi lenirtemi Manipur nung rara anema longkak aitdang tangokba noksa nung angur.

UP nung district 13 kübok yim 331 tzümetsüng agi kongshiogo

Lucknow, July 24

(Agencies): Tzünglu sashia aruba den külemi tanga states nungia tzü yimokba ajanga Uttar Pradesh nung district 13 kübok yimtsüng 300 dak tema tzümetsüng agi kongshiogo aser Ganga ayong den Yamuna ayong nunga tzü kanga mobanga yimdar.

Tesüiba ghonda 24 tsüngda Uttar Pradesh nung tzünglu dak sendakba lendong balala nung nisung pezü süogo; nisung asem tzü nung arakseta asü aser ka per agi mechiseta asü, ta Relief Commissioner Office ajanga metetdaksü.

Aligarh, Bijnor, Budaun, Farrukhabad, Firozabad, Ghaziabad, Kasganj, Mathura, Meerut, Muzaffarnagar, Saharanpur, Shahjahanpur aser Shamli district tem kübok aliba yimtsüng 331 tashi tzümetsüng

agi kongshiogo aser nisung 25,281 shelter homes 61 nung jenokdakja lir, ta ketdangsertemi metetdaksü.

Farrukhabad kübok Budaun aser Fatehgarh na nung Kachla apu nung Ganga ayong level tali tua yimdar aser Narora, Bulandshahr nungbo Ganga ayong nung tzü kanga tali metsüngba ajanga anasa alirtem kanga timtemdar.

Lakhimpur Kheri kübok Palia Kalan nunga Sharda ayong nung tzü tali mobanga yimdar.

Amongnü nisung 50 shi Karhera yimdak tzümetsüng nungi kümzüka liasü. Iba yim ya Ghaziabad kübok Hindon ayongküm anasa lir.

National Disaster Response Force (NDRF) team ka den Sahibabad police-i motor-rong amshia yimdaklirtemji kümzüka liasü. Iba yimdak tzü süklep (feet) 8 dak tema agi mobangogo.

Ghaziabad MP aser Union Minister, Gen (ret) V K Singh-i ketdangsertem dang tzümetsüng agi kongshiba nüburttem nem chiyungtsü lema agüjang, ta tuyuogo.

NDRF-isa Aatur Nangla aser Noor Nagar yimtsüng na nungi nisung dang masü saka kiset shiruru-a aika kümzüko.

Haryana nung aliba Hathnikund Barrage nungi tzü chiokba ajanga Delhi nung Yamuna ayong nung tzü level 205.33 tashi tuogo aser ayongtzüji Uttar Pradesh nung yimoker.

IMPUR CHRISTIAN HOSPITAL

IMPUR - 798615, NAGALAND

No. ICH/BOT-1/2023 Dated : 22nd July 2023

ADVERTISEMENT

Application are invited for the following post in the Impur Christian Hospital, Impur Mokokchung. Interested persons are requested to apply with all particulars to the Medical Superintendent Impur Christian Hospital. E-mail : ichabam2015@gmail.com / Whatsapp : Ph. 9436015306. The last date for receipt of applications will be 15.08.2023.

Posts : ❖ General Duty Medical Officer - 1 ❖ Specialist (O&G) - 1 ❖ Specialist (Paediatrics) - 1

Salary : Negotiable

Accommodation : Free accommodation will be provided.

(Dr. Sashimeren Aier)
Chairman, Impur Christian Hospital

बैंक ऑफ़ बड़ोदा
Bank of Baroda

DIMAPUR BRANCH
Nyamo Lotha Road (Church Road)
Dimapur- 797112, Nagaland, Email: dimapu@bankofbaroda.com

KIOJEN AYOKTSÜ ATEMA NOTICE
APPENDIX- IV-A [See proviso to Rule 6 (2) & 8 (6)]

Securitisation & Reconstruction of Financial Assets and Enforcement of Security Interest Act, 2002 den külemi Security Interest (Enforcement) Rules, 2002 indang proviso to Rule 6 (2) & 8 (6) kübok Kiojen ayoktsü atema E-Auction Sale Notice. Public aser talisa sen apur (tem) aser Guarantor (tem) dang, Secured Creditor, Bank of Baroda, Dimapur Branch, Dimapur, Nagaland den mortgage asüba tsünglanglen shia aliba kiojen Authorised Officer of Bank of Baroda, Dimapur Branch, Dimapur, Nagaland, Secured Creditor-i tsünglanglen shia aliba sen alangzüksü atema "kiojen aliba tesem", "yangji aliba ama" aser "yangji aliba ajak" ayoktsü sangdonger.

Sen apur/tem/ Guarantor/tem / kiojen/tem sentsüh / Reserve Price / e-Auction anogo & mapang, EMD aser Bid ajungketba sen osang tejangja tsünglanglen agütsür:-

Agidokba jenjang: Physical

Kiojen repringdangba anogo aser mapang: 07.08.2023 & anepdang 10:30 ako nungi nikongdang 4:00 ako tashi

Sentsüh ajak senteper: 22.12.2021 anogo tashi nung Rs.1,20,74,427.74 (Rupees One Crore Twenty Lakhs Seventy Four Thousand Four Hundred Twenty Seven and Paise Seventy Four Only) aser iba denji külemi sen tetemlok aser tanga charges.

Sl. No.	Name & address of Borrower/s / Gurantor	Kiojen aser osang tejangja	Date & Time of E-Auction	Reserve Price, EMD amount, Bid Increase Amount.
1	<p>1. MR. SUBASISH DAS (BORROWER) Proprietor of M/s. New Zoom Colour Lab, T. S. Market, N L Road, Dimapur, Nagaland State- 797112.</p> <p>2. MRS. SARBANI DAS (CO-BORROWER) House No.11, Sematilla Colony, Dimapur, Nagaland State- 797112.</p>	<p>Block No.8, Mouza No.3, Dimapur nung Shri Subasish Das, S/o Himangshu Ranjan Das tenüng nung Patta No.629, Dag No.13/730 kübok aliba ali tasazük 1B-00K-00L (14400 Sq.ft.).</p> <p>Bounded By:- North:- Huwato Chishi, South:- Colony Road/Link Road, East:- Sontosh Malakar, West:- Khehuto Kiba</p>	10.08.2023 1:00 pm to 3:00 pm	<p>Rs. 1,45,00,000.00</p> <p>Rs. 14,50,000.00</p> <p>Rs. 1,00,000.00</p>

Kiojen ayoktsü telatetba osang tejangja atema iba link nung agüja lir- <https://www.bankofbaroda.in/e-auction.htm> and <https://ibapi.in>

Date: 24.07.2023
Place: Dimapur

Authorised Officer
Bank of Baroda, Dimapur Branch



TIR YIMYIM YIMOBILEM (EDITORIAL)

DIMAPUR SANGTENNÜ, CHITENI (JULY) 25, 2023

Inyakyim Shitakleni Aoer

- Tangsen Lemtur

Nagaland nung tesayurtem mapai maoba mesüra kar nem temelen inyakdaktsüba (proxy) nokdangtsü atema School Education Department-i Teacher attendance monitoring system (TAMS) tenzükba ya ajanga asen lima nung school shisaliok jenjang kanga renloktsü imlar. TAMS nükjidong ya Nagaland nung school tem, tesayurtem aser school ketdangser ajak nem software aser hardware tools agüja anogo shia tesayurtem school-i shidak aoba inyakyim achaayangtsü atema lir. TAMS inyakyim kübok 'facial recognition technology' amshia school lapokba anogotem nung tesayurtem tejak noksa tangoktsü aser tesem den mapang shitak record süa ayutsü. Iba inyakyim ya joko sorkar school aika nung tenzükogo aser ano aika nung tenzükdar. Akhidangbo tesayur mapa tazüng adokyonga tulurtem, kinünger aser temetetertemi apia item mapa maongka agi, aser ibaji ajanga tesayur inyaktsü temsüa alirtem aika tesayur inyaktsü maongka mengui süidaktsü. Ajisüaka tangbo tesayur mapa tazüng adokdang advertisement agütsüba sülen tatidang agia temsüa alirtem ang shimmer. Ajisüaka tesasatsü kaji, temsüa aliba agi shimba tesayur aikati tangar temelen yoka tesayur inyakdaktsür (proxy); ibaji ajanga school tanurtem takoksa angur. Iba ama inyakyim meshitakba agi tensa mapang den apet TAMS inyakyim ya tenzükger; iba inyakyim tenzükba ajanga Nagaland school department inyakyim shitakleni ao tenzükger ama bilemer. Ano külen, küm tenet tejaklen Kohima nung department balala nungi tongti ketdangsertem (AHOds & HoDs) senden amendang Secretariat aser Department balala nung Biometric Attendance System amshitsü atema telemtetba agiba tu osang tajung ka liasü, ajisüaka taküm January 1 nungi May 31 tashi nung Nagaland Civil Secretariat indang attendance report ji reprangdangra asürtem tenüng aser mapa nungi anisüngzükger alirtem tenüng-a densema alibaji ajanga Biometric Attendance System meshitakba mesüra timtem kar aliba kuli sayur. Kodang Biometric Attendance System ya Nagaland nung aliba sorkar office ajak nung shitak amshidir, sorkar mapa inyaker tuluba nungi tilaba tashi mapai junga aoba dang masü saka anogo shia mapang shitak nung office tonga aotsü, aser ibaji ajanga nüburtem tajungtiba nung tenzüktertsü. Tang Central sorkar mapa inyakertertembo mapai shitak aotsüjibo yutsür menor aoba atema-a temerenshi agütsütsü atema Department of Personnel & Training (DoPT)-i tetuyuba agüja lir. Central sorkar mapa inyaker tongti ketdangser nungi tenzükger tilaba tashi ita ka nung anaben dang ghonda ka menor office-i aotsü akok, iba dak alia anogo tali office-i menor ora ibajibo anogo tesadang ka sodi agiba ama züngshir. Yamaji Nagaland nunga Secretariat office nungi tenzükger sorkar office ajak nung kodang biometric attendance system shitak amshi tenzükdir, jila nung alirtem aser yimtak yimtsüng nungi nüburtem nüngdak balala atema office oa mapang shitak nung tulurtem ajurua pepei nüngdak ataloker pei kidangi/yimtsüngi meyipa otettsü. Sorkar school nung tesayurtem densema department balala nung sorkar mapa inyaktsü maongka angubaji maongka tulu, kechiyong nisung aika rongnungi kari dang iba maongka angur, ajisüaka mapai shitak moura sentsüh tulu asütsü.

OLEMSABANG TEMULUNGER SEPAI

- P. Renthly Jamir

Iba ocet ya ni Ao Ken No 342 nung ajemdaker zülur. Yangi onük Yisu Asoshi Temulunger Sepai metenzükdang okila Sepai ka indang tama shinür. Küm 1947 onok yimdak mezüng India Sepai Shimdang nisung asem meshiba tuonür mali kin shitepa nisung asemji shim. Saka Kati Doctor nungi unfit certificate meshir mao. Jamir ka Longkumer ka ta ao. Tasüi aor ama jebtepa senshi. Kechiyong tanü NAP Constable ka atema Sen Lakh 7 meshiba ama ya masüba putu liasü. Anungji 1962 China War nung India nung Sepai Brigade rangben oset ajak toktsür paktitsü alonger ama ajen, aser China nung injang kata meyoki India lushu tuluka atsüngtet. Sepai kaji kin kidong shitepa lottery sair, aoba masütsüla. Naga nung nüchiso bushiba Wadang kechiba tamakok angu. Linük tenzüktsü Sepai tuonür mali kin kin shitepa shimer yok. Ano tesülenbo Force agi pua bener oa inyakdaktsü. Anungji Naga Army Jena oli senchi tulu meshili ta yimdak kimunglumug ajak item sentsüh aotsü yokma. Kar tanüngertem jagi nübur Kilen Saru sarua aliba hadir ajak bener adoka India nung dang sen yong ayok. Kechiyong Sepai kaji Temulunger Sepai asütsü tim.

Tang Yisu Asoshi Temulunger Sepai onük dangi arudi. Asenok ajak ya Yisu Asoshi Temulunger Sepai ka ka lir. Kechiaser asenoki yangji shilem agitsü mulungteta shim anungji talangka nung mamangba pur lima meyirijang jenti samadagi ta ken tena angashi nunga asenok temulung mepelar Alima balala nung nisung tanak temesüng balala liaka Khristan ta süra pei adianu ama bilemer. Parnok reshikangshiba angashia Sarasademtsür. Yamaji alima ajaklen tanü khristantemi mapa tulu inyaka shi aser tanela nung Sama-a aliba nüburtem yarir. Yisu Asoshi Temulunger Sepai pei taküm bendanga agütsür pastor Sayutsüngir arogo nung toklang tenzükger jenti lir. Aji dang masü arogo ajaayanger tetemsü Dikontem aika lir. Tanu asen putu ya nübur tsüngda tesempatep Kati ka majinüba oda nisungi pei temelijia ya kü indang ta meshitetba putu ta ashir.

Nisungi pei taküm dangbo sen tali temeimba. Tang asen India lima Modi government arur yimsüsür ruling party opposition party ajaki O tajung kata mejembir lutsüteper koba O tamajungtem agi linük dangi atakatem bener arutsür. Yamaji linük tenzükger tsüngda O tamajung shitepa zülutepba asenoki angur. Council of Nagalim Churches general Secretary Rev Seksim Kasari züluba nunga It is true we have hurt each other on account of exchanging unsavoury words. Iba O ya pai WC-NNPG leaders dangi züluba 3-7-2023 nung angur. Yamaji arogo tokolak Reverend tema item nung shilem agia jembiba züluba tensa tamajung nung asenok alir. India Sepai shimba aser Naga Army shimba nung tamakok anguba ama masü saka Yisu asoshi temulunger Sepaitembo takoker ka, ka asütsü tanü teraksa putu den koda raratsü shisadangdi.

Nüngja den mapet wadang nung satoka inyaker kar tuteta sayur Arogo tenzükger Temulunger Sepai asüyonga ali meimchir dang asünung tepok tazüng remsa zür inyaktsü masü. Ano aibelentsü meimchir yimya Anungji tamakoka ajurutsü aibelena inyaksemtsü Temulunger Sepai kaji nübur tenzüktsü asoshi tenük tenarong shitak temang tashi tait alinung dang Sepai mapa inyaktet. Saka tanü arogo nung tenzükger Pastor Dikon aikati nüburi alakyonga sodi memeshir.

Roman Catholic Arogo nung tuluba Pope inyaka arur küm 1415 A.D nungi tenzükba kum 600 tashi shingai ni mapa makoker ta sür sodi memeshi. Kechiyong Pope ya alima Chubatem dang tuluba aser Jangra tatemala alir. Saka parnok rongnung Pope Benedick XVI pa arishi küm 85 nung ni mapa meinyakteter ta 28-2-2013 sodi meshi. Paibo Pope mapa inyakdang Apostolic Palace nung alitsü memulung saka Bishoptem den külemi chiyunga ali. Aser teti sensaker meimtsü ashi (Do not forget the poor) meimchir shi agia alaker ango agia alaker, anungji teinyakertemi aji meteta inyaktsüla. Tazütsü Sodibo meshi saka tenzükger kar sota yur kipok ki sema odaktsübaji majung ta bilemer. Yisu asoshi temulunger Sepai kaji India Sepai ama tamalen Naga Army ama masütsüla.

Tatidang arudang aji koktetsüla Yisu asoshi temulunger Sepaibo injang agi matidangtsü lisü agi mesüra tazükba agi matidangtsü. Saka tetsübutsü sen meimba peisasa meimba agi atidangtsü. India nung 2006 nungi government tenzükger ita sen anüngdak ajungketa yutsü. Election nung sen anak ama apar, 28-2-2008 anogo nung Changtongya SDO(c) office nung political party ajak nungi Election atema meeting ka jatep.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Ministry kati tang mezüng US nung 'crusade' ayongzüka agitsü

July 24, 2023: Tawa Evangelism telok kati West Africa aser South America na nung asentenshi sentong aika ayongzüka agiba mapang nung nisung 66,000 dak temi Khrista agizüka liasü, aser parnoki US nungbo tang mezüng iba ama sentong ayongzüka agitsü.

Grand Prairie, Texas nung amenoka aliba World Harvest Global teloki taküm Guinea-Bissau, Zambia aser Peru linüktem nung asentenshi sentong ayongzüka agiogo aser tang mezüng parnoki US kübok South Carolina nung asentenshi sentong ayongzüka agitsü.

Interview ka nung jembidang World Harvest Global tentetsang aser Tir, Jacob Ebersole-i, World Harvest Global-i küm ana tashi South Carolina nung asentenshi sentong ayongzüka agitsü setong lir, ta metetdaksü.

"Iba sentong atema team ka tentetogo. Yisu tenüng nung onoki yangji (South Carolina) Tsüngremi mapa inyakba kuli süa angutsü aser iba milakji South Carolina tesem ajaklen jangrutsü. Iba sülen kechi inyaksüar ibaji Kibuba melung," ta pai ashi.

Ebersole-i, sangküm iba sentongji ajanga linük tesem ajak ayimajemtsü imlar, aser iba maparenji social media ajanga inyaksü, ta ashi.

"Ozü ministry-i 1 Korinth 13 nung ajemdaker inyaker," ta pai ashi.

"Nai tenemtem agentettsü aser kotak tenyar oshi agia jembitettsü, ajisüaka nenok dak temeim melira nü ket nung kecha mali. Onoki jenjang ajak nung ibaji züngshia inyaker," ta pai ashi.

"Onoki akokba tashi tajungtiba agi inyaksü meranger, aser nüburtemi ibaji reprangteta shilem aginer. Anungji ozü team indar aser Tsüngremi World Harvest

ajanga mapa inyakba nung alima tesem balala nung nüburtemia shilem aginer," ta pai ashi.

Taküm March aser April ita na nung West Africa nung Muslim nunger nütsüng teimba aliba, Guinea-Bissau linük yimtiba, Bissau aser Gabu yimti na nung World Harvest-i asentenshi sentong ayongzüka agia liasü.

Ebersole-i ashiba agi, tawa iba linük nung Muslim nunger nütsüng kanga renlokogo. Iba linük nung pastor temi World Harvest dang par linüki arutsü mepishi, anungji ibaji "rongdak tajaba ka" ta onoki züngshia liasü.

"Onok tang apusoa moura iba linükji Muslim nunger kija aliba linük ka kumadoktsü amantensa ka nung liasü, anungji onoki tim tajurutsüpurtem ajuru aser yangji board of advisors tenteta liasü. Putirtem aser pastor temi iba ya Guinea-Bissau nung Yisu atema tatembangbuba mapang ka ama züngshia liasü," ta pai ashi.

Joshua Project ajanga ashiba agi, Guinea-Bissau linük nung nütsüng shilem 50 dak tema Muslim nungertem lir aser nütsüng shilem 11 shi Khristantem lir.

"Tanela tongbang nung ozü team aser ni timtem aika ajangshio, ajisüaka Kibubai mera ajak nung onok len ania liasü," ta pai ashi.

World Harvest-i ayongzüka sentongtem nung lanur meyirjang aika adenshi, ta pai ashi.

Ebersole-i, crusade ayongzüka moapu nung tekülem sentong agiba aser sarasademba mapang nung lanur aikati yimti lenmangtemia oa mesüra airport tashia oa sarasadema liasü, ta ashi.

Tesüsa World Harvest lenirtemi linük Tir Muslim nunger Umaro Sissoco Embaló-a ghonda ka shia

ajuru liasü.

"Yimti nung tepela liasü. Parnoki yamaji kodanga majangshii alitsü südi ta ni bilemer. Yimti lenmangtem nung lanurtem tepela nung ngua ni nüktzü alu," ta pai ashi.

Linük yimtiba nung sentong tembangba sülen parnok Gabu jilajil ao. Iba jila nungji Muslim nunger aika lir aser iba jilaji linük nung tesem tamajungtiba lir.

World Harvest leniri ashiba agi, Gabu yimti-i aotsü atema Guinea-Bissau yimti nungi lanurtem aikati parnok meina aotsü melungteta liasü.

Linük nung aliba Youth With a Mission chapter-ia Gabu mission nungji World Harvest den yaritepa liasü. Mission nungi lanur 100 dak temi crusade nungji yaritep.

Ebersole-i, Gabu crusade ji Tsüngremer sentong ka liasü, aser Crusade ana nungji nisung 18,500-i Khrista agizüka liasü.

Kingdom Enterprises Director, David Hoffman-i, Guinea-Bissau nung nisung meyirjang aikati Khrista agizükba meteta pelar, ta ashi.

Hoffman-i social media nung video ajanga Guinea-Bissau nung nüburtem ken tena Tsüngrem tenüng asangba noksatem ngua liasü.

Ano April ita nunga World Harvest-i Africa kübok Zambia linük yimtiba, Lusaka nung crusade ayongzüka agi aser crusade nungji nisung 45,000-i Khrista agizük.

May ita nung Peru linük nunga World Harvest-i ayongzüka crusade nungji nisung 3,500 dak temi Khrista agizük.

Parnoki linük yimtiba, Lima kübok San Juan de Lurigancho district nung iba sentong ayongzüka liasü. Ebersole-i ashiba agi, iba district nungji ozüng alema inyakertem jenti aliba agi parnoki iba tesem nungji crusade ayongzükttem telemtetba agia liasü.

ANOGO ABEN TSÜNGREM DEN

Lapok, Tashi Anga, Agi

T.Ken 119:25-32

Temang tsütsü temulungjang ulubaji lendong lir. Saka tanelaren temulung ulubaji temoatsü ka lir. "Kodang nai kü mulungjang uludaktsüdir, ni ne temelaba lemangi asemtsü" (t.32). Na temang nung temulungjang waka lira, nai talangka asema moutettsü, saka na tanelaren temulung ulura, nai Kibuba den jajatsü aser asemtsü renema alitsü aser Kibuba nükjidong atalokdaksütsü. Tasemteperi pa alizüng atongtsü asoshi pa lemang shitak nung asemer aser iba jagi pa nem maneni asemtsü tashi agütsür. Tanü ibaji Tsüngremi asenok nungi aginer. Asenoki atongtsü asoshi Pa nükjitong ka lir aser anidaktsü asoshi lemang ka lir. Aser Pa O ajanga asenok nem tashi agütsür.

Temulung uluba tetezü kechi? Mezüngbuba, temulung ulubaji Tsüngrem nem temulungjang lapoktsüba lir. Ibai ochi temulungjang aser ashir, "Kibuba, ne O agi ni yirujaka ni ibai aginer."

Tanabuba, temulung tului Tsüngremi mulungba nung tashi angar. Ibai ajemaluba temulungjang lir aser iba temulungjang yagi ashir, "O Tsüngrem, nai kechi shidir ni inyaksü. Ni ne kilir. Na kü tesayur."

Tasembuba, temulung tuluji Tsüngrem sentsüwangshi agi sünga lir. Ibai tepela mulungjang lir. Kar temulung tila aser temesü lir. Parnok alima tila nung alir aser parnok tangatetba tila lir. Tsüngrem taochi metetba aser ochi temetetba nung anitsübaji koda tesüngmangtsü mapa lir (2Peter 3:18)! Asenok litsü ulushir. Tamalen mengui aliba tang asenoki angur, kechi mangashi liasü tang angashir. Tsüngrem asenok nem taküm tulu agütsür kechiaser asenok temulung tulu kar.

Tsüngremer ochiba dangi ne mulung lapokjang aser Pai mulungba nung tashi angang. Tashi angaba mera shia ne temoatsü alitsü aser tenzüka ulushitsütsü. Item ajak rongnung tongtipangtibaji Tsüngremer sentsüwangshi agi sünga alibaji lir.

South Korea nung Khristantemi tzümetsüng agi kongshirtem yarir

July 24, 2023: Anogo ishika nem dollar sen 62,380 agütsü. tejaklen South Korea nung Parnokisa tzümetsüng agi tzünglu sashia aruba ajanga kongshiba tanga tesemtem tzümetsüng aser anentsüh nunga chiyungtsü agütsür.

lendong balala nung nisung 46 Tzümetsüng lendong shi asüba den nisung meyirjang atalokba sülen linük Tir, Yoon Suk Yeol-i municipality 13 aika jenshiba sülen Arogotemi 'disaster zones' ta sangdonga takoksa angurtem nem teyari kümzüka maparen tenzüka agütsüdar.

Taoba hopta South Korea nung tzümetsüng ajanga Youth 4 Climate Action nung züngsem, Kim Seogyong-i, "Climate change nisung 5,500 ji jenshi aser atema tebang agi dang liasü. Iba lendong nung ki jembiba aser mapa agibo noklang aika raksaba den meinyakba ajanga public kiojen 1,000 shi raksa teraksatsüba asenoki maneni aser alu hectare 30,000 kuli süa angur," ta ashi. raksatsüba den kiset shiruru 700,000 dak tema asü.

North Gyeongsang province nung tzümetsüng agi dang abener," ta Kim-i ashi. kongshirtem nem teayri 2020 küm Youth 4 Climate agütsütsü atema linük yimtiba, Action nungi Kim densema Seoul nung aliba Khristan telok- nisung 20-i South Korea One Body One Spirit (OBOS)-i sorkar anema ken o benoka lir. Sorkari climate change anema meinyakba ya temeden anema nung Arogoi dollar sen 4,000 inyakba lir, ta tai tonglokja Andong Arogo nem agütsü.

Khristan telok- Babo parnoki sorkar anema ken o Nanum-ia Caritas Angdong benoka liasü.



July 23, 2023 nü Telangana kübok Karimnagar district nung Khristan telok balala nungi züngsemtemi Manipur nung rara anema Ambedkar cross roads nungi Indira chowk tashi longlak aita jajadang tangokba noksa nung angur.

AO OSHI ANGAZÜKDAK:
TANÜ ANGAZÜKTSÜBA OJANG



Riju

(n) azüing zülü aser mapa inyak angazükdak tesem (learning institution)

* Tanü asüingbo **reju** balala nung mapa inyaktsü sayur.

Rijusanger

(n) riju nung azünger aser alirtem (student in a learning institution)

* Yimtak **rijusangertem** ajak nübodoka yim merüktet.

OLONG PAITEP # 6586

	1			2		3		4
5						6		
7		8						
						9		
		10						
11								12
				13				
				14				
15								

TIPIEN

- 1. Balaka - (5)
- 6. Aika shirangba - (4)
- 7. Tar tatsü - (6)
- 9. Nenü'er jabaso - (4)
- 10. Sen latettsüba - (7)
- 11. Tangar kübok alir - (4)
- 14. Lon nung inokba - (6)
- 15. Tzü ayimdak - (4)
- 16. Ajok - (5)

LANGTSÜNGLEN

- 2. Hai sür inyak - (4)
- 3. Aor tenüing ka - (6)
- 4. Ali telungi talangka lur - (5)
- 5. Tebang kenyongi mazüoker - (4)
- 8. Ken atema anenzükertem - (5)
- 9. Toktepa noktak - (5)
- 10. Sen - (6)
- 11. Benjong agi - (5)
- 12. Telung nung rizünga ayu - (4)
- 13. Tebang nung enok - (4)

OLONG PAITEP # 6585 TELANGZÜBA

TIPIEN :

- 1. Aben, 4. Artsü, 7. Lisem,
- 8. Liwa, 9. Sarasadem,
- 12. Aket, 14. Mangu,
- 15. Anünü, 16. Ango.

LANGTSÜNGLEN :

- 1. Aruli, 3. Balala, 5. Suwar,
- 6. Belem, 9. Sükak,
- 10. Aonung, 11. Dokan,
- 13. Tinu.



LAWYER KA ASER DOCTOR KA PARTY NUNG :

Doctor : Medemertemi khena ayonga metoktsüi, party nunga süngla medical advice agiba ya, ajia angati, ya kanga majunga. Na-a komasa asür?

Lawyer : Kechi ratatsü ali, parnokki asüngdangba ajakji kanga junga langzüang ko, aser bill dang yokangma, nibo yamaji dang asür ato.

Doctor : Kanga pelara, yamaji inyaktsüa. (Tasüngnepji Doctorba mailbox nung Lawyerbai yokba "consultation bill" ka arua liasü)

~ Lilir : WhatsApp

Tanur asoba anogo nung salem osang den noksa angati adokdaksünüra - Tenüing, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimyim@gmail.com nung yokang mesüra Tir Yimyim bureau tem nung agüjang.

Tepela Tasoba Anogo

Happy Birthday

1. Tenüing :

2. Tasoba anogo :

3. Küm : 4. Class :

5. School :

6. Talidak :

7. Salem osang :

Police-i Manipur university kaketshirtem dak tear gas khaloktsü

Imphal, Chiteni/July 24 (Agencies): Manipur yimtiba Imphal nung Hombarnü Manipur university kaketshirtemi yimjung asoshi rally ka ayongzüka agiba mapang police den mangatettep adoka .

Iba yimjung asoshi rally ya Manipur University Students' Union (MUSU)-i Imphal nung ayongzüka aser parnokki state nung taoba mapang ama inyakyimtem benoktsü aser yimjung bener arutsü khanga liasü.

Manipur university kaketshirtemi ayongzükbba rally ya varsity campus nung tenzüka aser parnok Imphal kübok Kakwa tesem leni oya aliba mapang police temi sota liasü.

Police temi kaketshirtem Kakwa tesemi meyoki nokdangba sülen tensa mejungi aküm aser police o longkak aiter tsüingda mangatettep adoka o langtepa liasü.

Iba sülen police-i longkak aitertem senshidaktsütsü atema tear gas khalokja liasü.

Police aser Manipur

university nungi kaketshirtem tsüingda mangatettep adokba mapang kaketshirtem yiruba osang kecha mali.

Osangbenertem den sensaksemba mapang MUSU tir Thokchom Sonamani-i, Manipur sorkar dang state nung takaratiba nung yimjung bener arutsü atema takhangba agüja liasü.

Paisa, Manipur sorkar dang state nung kaketshirtem tekümzüka kübok toktsütsü atema jenjang tapet agitsü asoshi mepeshia liasü.

AAMSU-i Mizoram nunger dang Barak Valley toktsür aotsü tuyu

Silchar, Chiteni/July 24 (Agencies): Assam nung Manipur nunger kaketshir lokti tentet kati Barak valley nung aliba Mizoram nunger dang state toktsür aotsü shiogo.

Iba dak sendakba nung All Assam Manipuri Students' Union (AAMSU)-i Hombarnü osang ka agütsüogo.

AAMSU-i iba tetuyuba agütsüba ya Mizoram nung aliba Meitei nungertem Manipur-i meyipa aoba dak sendakba nung telangzüba agütsüba ama reprangteter.

"Mizoram nung aliba Meitei nungertem timba Assam nungi lir, anungji Mizoram-i Assam nung aliba Meitei nungertem mit adokdaksüogo, ibayongji parnok kümzüka alitsü atema onoki Barak Valley kübok Meitei nunger aliba tesem nung aliba Mizo nungertem dang takaratiba nung iba tesem toktsür aotsü tetuyuba agütsüogo," ta AAMSU-i ashi.

"Manipur nung mepetmesü tulu adoker aliba mapang onok külem Meitei nungertem den nokdaka lir, shirnok Kuki Zo kintemi maka arudar. Assam nung aliba Meitei nungertemi ozü kin nem takokba tashi teyari agütsütsü," ta AAMSU-isa metetdaksü.

Peace Accord MNF Returnees' Association (PAMRA)-i, security dak sendakba nung state nung aliba Meitei nungertem dang Manipur-i meyipa aotsü metetdaksüba sülen Meitei nungertem Honibarnü nungi tenzüka Mizoram toktsür Manipur-i odor.

Kuki tsür ana Meitei nungertemi mangsa yimtung nung anir senzüba video ka prokshiba sülen Meitei nungertem amokmerenba tali aküm aser ibayongji Manipur sorkari Mizoram nungi Meitei nungertem tayimtsü ajanga anintsü asoshi teletmetba agia liasü.

Taoba mapang telungpur telok Mizo National Front (MNF) züingsemtemi Mizoram nung aliba Manipur nungi Meitei nungertem dang parnok ajungtsü atema state toktsür aotsü ashi, kechiyong tensa tamajungba küma aoer.

"Tensa apir Meitei nungertem dak kechi ataloktsü mejangja anungji PAMRA-i Mizoram nung aliba Meitei nungertem dang pei state-i meyipa aotsü mepeshir," ta PAMRA sangdong ka ajanga metetdaksü.

Meitei nungertem Mizoram toktsü aoba dak sendakba nung AAMSU-i, "May 3 nü Kuki nungertemi Meitei nungertem den rara memena tsüingda MZP-i April 30 nü Mizoram nung aliba Meitei nungertem amokmerena osang ka agütsüba nungi tenzüka Mizoram-i (sorkar aser lokti tentettem) iba mepetmesü ya rongmesoa aruba angazüka kanga sasa bilemer," ta ashi.

GOVERNMENT OF NAGALAND
DIRECTORATE OF HEALTH & FAMILY WELFARE
NAGALAND: KOHIMA

No.DHFW-5/D.Pharm/Part-II/2014 **Dated, Kohima the th July'2023**

NOTIFICATION

With reference to the Letter F.No.11(2)-RIPSAT/2021/3410-22/Date, Agartala, the 3rd July 2023 , the following Candidates are selected on 24th July'2023 to undergo Diploma in Pharmacy (D.Pharm) course at Institute of RIPSAT, Agartala for the Academic session 2023. The following Candidates are provisionally selected through Academic Merit Marks.

Acceptance Letter may be submitted to the Office within 5 days from the date of issue of the Notification. Waiting List will be maintained for a period of 3 (Three) months w.e.f the date of issue of this result.

<p>Selected List</p> <ol style="list-style-type: none"> 1. IMLIMENLA S TZUDIR 2. NEANGUNYU C 3. LINATOLI K KIHIO 4. ANISHA T 5. GÜNO SWURO (B.T) 	<p>Waiting List</p> <ol style="list-style-type: none"> 1. TOTIVILI SHEQI 2. TEPUCHILAP AIER 3. JONJIBENI R NGULLIE 4. PELETUONUO SORHIENUO
--	---

SD/-
DR. VIBEITUONUO M. SACHU
Principal Director,
Directorate of Health & Family Welfare,
Nagaland: Kohima.

GOVERNMENT OF NAGALAND
DIRECTORATE OF TECHNICAL EDUCATION
NAGALAND, KOHIMA

Dt. Kohima, the th July, 2023

NOTIFICATION

NO. DTE/ ESTT-2/3/2016-17/ : This is to inform all the candidates who have applied and submitted forms for undergoing Diploma Outside the State and Agri& Allied / Undergraduate Degree Courses which does not fall under the purview of NSEE/NEET/JEE for the Academic session 2023-2024, that the provisional selected list has been declared based on merit and the same has been uploaded in the Department website: www.dtenagaland.org.in and Notice Board.

The last date for receiving the acceptance / refusal letter is 27th July, 2023, 1:00 pm after which no request will be entertained.

The last date for admission in School of Engineering & Technology, Dimapur-NU in on 28th July, 2023.

(Er. VIPULHOU LHOUNGU)
Director.

Bangladesh nung dengue agi nisung 170 dak tema süogo

Dhaka, Chiteni/July 24 (Agencies): Bangladesh nung nisung südaktsüba dengue tashidak tesem ajungalen prokshia nüburtem tim atemer, aser tzunglu kanga sashia aruba ajanga iba tashidak tesem ajaklen jateta mozüki sünga shirangertem lir.

Nisung million 170 aliba South Asia linük nungya health expert temi ashiba agi, iba rashidak ya "epidemic" jenjang tongogo, ajisüaka sorkari tang tashi ajibo sangdonga mali.

Deobar aonung tashinung merila-i metepba ajanga temang rong shirangdaksüba tashidak yagi tanur arishi küm 14 tekübok 31 densema nisung 176 süogo, ta Directorate General of Health Services (DGHS) ajanga ashi.

Taoba Bodhbarnü tamajungtiba liasü, kechiaser iba anogo nisung 19 asü aser taküm mozüki nung nisung 33,000 jungnüa munga liasü, ta DGHS data ajanga ashir.

Taküm iba tashidak agi asüba ya küm pongu tsüngta tematiba shilem 0.53 lir. Taoba küm Bangladesh nung dengue agi asür nisung 281 liasü, koba shilem 0.45 alitsü.

DGHS ajanga ashiba agi, taküm iba tashidak agi asür nisung 176 rongnungi 115 bo July ita tenzüker anogo 23 tsüngta lir. Taoba küm kasa mapang nisung 29 dang asü.

Aruya aliba anogotem nung tensa tamajungba akumtsü, kechiaser Bangladesh nung dengue agi shiranga mozüki bushiba aser asüba ya August aser September nung timba alir, ta mongin temi ashir.

"Taküm dengue agi nüburtem dak kongshiba ya 2019 küm den kasa mesüra tali

ang alitsü amai bilemer," ta physician aser public health expert ANM Nuruzzaman-i osangbener dang ashi.

2019 küm Bangladesh nung iba tashidak agi menepa nisung million ka dak tema mozüki bushia liasü aser nisung 179 asü. Bangladesh nung tang tashi 2019 dang "year of dengue" ta ajar.

"Sorkari taküma epidemic sangdongtsüla aser iba tashidak prokshia aoba anendaktsütsü asoshi tapet mera agitsüla. Aji mesüra tamajungba akumtsü," ta Nuruzzaman-i ashi.

Iba linük nung doctor tem asoshi tentet tulutiba, Bangladesh Medical Association ajanga July 16 nü sorkar dang dengue tashidak prokshiba ya "public health emergency" ta sangdongtsü ajungshia liasü.

Ajisüaka Bangladesh nung taküm dengue ya epidemic ta sangdongtsü kerara amai bilemer, ta DGHS Director General Dr Abul Bashar Mohammad Khurshid Alam-i ashi.

"Ibai epidemic ta sangdongtsü asoshi asenoki criteria tali kar jangjatsüla. Asenok ibaji matong amai bilemer. Iba den ano dengue ya epidemic ta sangdonga nüburtem molungjang nung tetsübo aiddaktsüla masü," ta Alam-i ashi.

Ajisüaka iba tashidak tsübobba prokshir. Social media nung iba tashidak agi linük tesem ajungalen aser talisa linük yimtiba Dhaka nung tim atemba indang prokshir.

Arishi küm 76 tain Anwara Ferdousi ananü temang metaba sülen Dhaka kübok Square Hospital nung doctor

ka ajurui ao.

"Kü dang dengue tendangtsü ashi aser ni aji tendang. Ananü lir result bener ni mozü kidangi ao, saka kü temang reprangba doctor-jia dengue agi shiranga liasü. Kasa mozüki nungi ano doctor ana iba virus menar liasü," ta Ferdousi-i ashi.

Tsürabortem talisa pei tanurtem asoshi shisabolur. DGHS data ajanga ashiba agi, arishi küm 14 tekübok tanur 7,240 dak iba tashidak menaloka lir.

Doctor temi ashiba agi, shock syndrome aliba tanur dak iba tashidak tezüpaba atonger. Shock syndrome ajanga temang nung dengue virus aiddang immune system tali aoksar aser ibaji ajanga plasma leakage, azü ayimba aser temang nung tzü ajemdaktsür.

Tanur dak iba tashidak temai adoktsü anogo ka agir aser nisung tain dak ghonda 48 shi agir, ta linük nung tanurtem asoshi sorkari lapokba mozüki tulutiba, Bangladesh Shishu Hospital and Institute nungi Dr Shatavisa Dhar-i ashi.

"Iba den shock syndrome ya tanur dak shilem 20 agi tezüpaba adokdaksür," ta lai ashi.

NGO Save the Children ajanga Hombarnü sangdong ka nung ashiba agi, küm pongu tsüngta Bangladesh nung dengue tashidak tesashitiba tang jateta lir aser arishi küm pongu nungi 14 tsüngta tanur dak tali atonger.

Dengue cases ya shilem 90 dak tema jila nungi lir aser Bangladesh nung aikati iba tashidak adokdaksüba Aedes merila poktetba nokdangtsü asoshi mapang shidak nung mera magir ta municipal corporations aitsür.

Indonesia nung rong ka tzü telungi alu, nisung 15 asü

Jakarta, Chiteni/July 24 (Agencies): Süng agi yangluba rong ka Indonesia indang Sulawesi asetkong anasa tzüyim telungi Hombarnü aluba lendong nung nisung 15 asü aser iba rong nung mena alirtem samar bushia aliba ajak nguogo, ta ketdangtsür temi ashi.

Iba rong nungya nisung 48 mener Deobar aonung ayatirm mapang mükepok, ta yangji aliba Indonesia indang search and rescue agency ajanga sangdong ka nung ashi.

Nisung trok kumzüka mozü kidangi anepalutsü anir ogo aser iba rong mükepokba kuli bushisüngdang, ta ashi.

Southeast Sulawesi kübok Kendari yimti nung local search and rescue agency tekolakba Muhamad Arafah-i sangdong ka nung ashiba agi, tanungba passenger 27 ya nguogo aser

asürtem ajunga jangjaogo. Iba agency ajanga sangdong ka nung nisung 19 samar bushiba mapang lir ta shia liasü, saka Arafah-i ashiba agi tangbo operation ya renemer aser shibangogo ta sangdongogo.

Iba rong ya Muna asetkong kübok Central Buton regency nung Lanto aser Lagili yimtsüng tetsüngtai ajanga aoba mapang lendong ya atalok.

Taoba mapang passenger tem ya samaogo ta zülüoka liasü, kechiaser parnok ya parnok sasa kumzüka ali atongba sülen kidangi meyipa ao, ta odongtari ashi.

Iba rong ya nisungtem anir senzüba süng agi yangluba rong ka liasü. Indonesian media ajanga ashiba agi, benjong ka nung

dener yimdaklirtem rong sünga adenshir meyipa aoba mapang mükepok.

Rescue agency ajanga noksa tem lemsatepba nung nisung tasü mang kar mozüki ka nung sü tabu agi meyipanger tarpaulin nung yua liasü.

Southeast Asia nung asetkong 17,000 shi agi kumtetba linük nungya iba ama tzüyim lendong mapang shia ajurur, kong nüburtemi rong tila nung timba senzür.

2018 küm Sumatra Island nung aliba alima nung awatsüng taroktiba nung rong ka mükepoka nisung 150 dak tema arakseta asü.

Taoba küm May ita nisung 800 dak tema mena aliba rong ka East Nusa Tenggara province anasa tzü tatsü nung tsükdaker anogo ana tashi liasü aser rong ya loksa.

**Office of the
LONGSA SCHOOL STAFF ASSOCIATION
HQ. Longsa, Mokokchung
TENÜNGSANG AGÜTSÜR**

Tsürabur Wb. Limangangshi aser Wt.Nungsangnungla na jabaso Wb. Lanutoshi Jamir, Imzuluba Govt. High School Longsa nung tesayur tajung ka, pai 'National Level Open Global Poetry & Creative Writing Competition 2023' nung Top - 4 jenjang ajangzüketa yimeryimsanger nem dang masü, Ao kin aser Naga nungger ajak nüma tangtetsüsa konang bener arutsüba asoshi Longsa School Staff Association-i tenüngsang tulu agütsür. Tsüngremi tesayur taküm, shisatsü aser sempet tajung ano maneni temaba nung ajungketa mojangma.

**Sd/-
Süpongmeren
President**



**Sd/-
Bendanglemla
Secretary**

TENÜNGSANG AGÜTSÜR

Tsürabur tajung Wb. Imkongliba aser Wt. Talipokla na jabaso **Sb. Watitemjen**-i thesis: "Agro-ecological studies on two selected Musa cultivars planted in cultivated and abandoned jhum land of Mokokchung district Nagaland" onük nung Nagaland University nungi Ph. D renemtetba asoshi Longsa Sasongdak Zünga-i tenüngsang tulu agütsür.

Tarutsü nunga maneni asen teyanglur Tsüngremi ne taküm aser wadang tali mojang ta sarasademtsür.

**Sd/-
Putiaküm
President**

**Sd/-
Imtitongzük
Secretary**

**OFFICE OF THE
RIONGSANGER PUTU MENDEN YIMJENKIMONG
(Yimjenkimong Village Council)
HQ-Alongkima, Dist. Mokokchung: Nagaland**

KHONANG ASER TETUSHI AGÜTSÜR

Yimjenkimong Rionsanger Putu ajanga senso züngsem tajungtemi lenla balala nung Sorkar mapa tenzüka arudang nendaka, meranga aser bendanga agüja inyakba ajanga pei wadang nung menden temaba jenjang (Promotion) ngutetba aser takok tajung angur nem khonang tetushi tulu agutsür.

- Mrs. Tamsunaro Jamir**, Public Prosecutor, Dept of Law & Justice Govt of Nagaland.
- Mr. Longchatongba Lemtur** Sub Treasury officer, Treasuries & Accounts Govt Of Nagaland.
- Mr. Longchatongba Lemtur aser Mrs Kilenjungla Aier tena jala **Miss Tamsurenla Lemtur**, LDA cum Computer Assistant (District) Under Dept of Food & Civil Supplies. NSSB (SCRE) 2022.

Sokari asen lenir dak temolung lemtetba aser parnok mapa nung temolung achiba iba maongka tolu ajanga khuli sayur. Tsüngremi asen lenirtem maneni Pa tematiba shisatsü aser taochi agi pei wadang ajak nung takokleni aniangma.

**Sd/-
Mr. C. Imo Walling
Chairman, Yimjenkimong
Village Council**

**Sd/-
Mr. M. Onen
Secretary, YVC**

**OFFICE OF THE
RIONGSANGER PUTU MENDEN YIMJENKIMONG
(Yimjenkimong Village Council)
HQ-Alongkima, Dist. Mokokchung: Nagaland**

Yimjenkimong Rionsanger Putui Pelaba Sangdonger

Yimjenkimong Rionsanger Putui anir Arju nungger ajaki ozü senso züngsem tajung ka Mr. Toshimanen 19th July 2023 anepdang Milak ayung nung samar bushiba mapang nungi 21st July 2023 anepdang pa tasü mang anguba mapang tashi nung kija aser lokti tented balala kwinakati bendanga agüja yariogo nenok ajak dang kangasa pelaba iba sangdong ajanga lemsateper. Nenoki nübu, rongsen aser shisatsü den tamang sarasadem agi nongita yariba ajanga ozü senso tajung Mr. Toshimanen tasü mang ngutetogo ta pelaba lemsatepba den lokti tented aser kija taküm kar dang kangasa mejeta pelaba lemsateper.

- Shri. A. Pangjung Jamir, MLA 21st Tuli A/C**
- Asangma Putu Menden**
- Molungkimong Putu Menden**
- Merangkong Senso Union Tuli**
- Merangkong Medemsanger Putu**
- Waromong Putu Menden**
- Yimjenkimong Baptist Arogo**
- Molungyimsen Putu Menden**
- Yimjenkimong Senso Telongjem MKG**
- Yimjenkimong Sensotsür Telongjem MKG**
- Mr. Sentitemjen Pongen Longchem**
- Yimjenkimong senso Telongjem Tuli & Tzudikong**
- Mr. Imsünungchet Yimjenkimong**

Nenok Mapa tajung asoshi tarutsü anogotem ajak nung nenok taküm, kibong aser wadang balala ajak nung tolusang Tsüngremi molamoshia moajang.

**Sd/-
Mr. C. Imo Walling
Chairman, Yimjenkimong
Village Council**

**Sd/-
Mr. M. Onen ozukum
Secretary, YVC**

Noklak district atema AIFF D' License course tenzükogo



KSC tir Musho Lam den instructor William Koso aser coache tem IG Stadium Kohima nung tangokba noksa nung angur.

Kohima, Chiteni/July 24 (TYO): Anogo pongu agitsü aliba All India Football Federation (AIFF) D' License Course Hombarnü IG stadium Kohima nung tenzükogo. Iba course ya Nagaland Football Association tawabangba kübok Khamniungan Sports Council-i achaayanga agütsüdar.

Ajak senteper Noklak district nungi caoch 24-i iba camp nung shilem agidar. Iba course atema instructor ji AIFF D Coach Educator and AFC A licensed coach William Koso lir.

Khamniungan Sports Council tir Musho Lam-i ashiba

agi, "Noklak nung football asayatsü janraratem facility maliba aser parnok anitettsü atema coach maliba ajanga tetsükdaktsü aika ajurur." Paisa, ibayongji KSC-i Noklak district nung aliba nüburttem atema IG stadium nung iba camp ya ayongzüka agütsür, ta ashi.

Paisa, iba course ajanga district nung asaya jenjang ajungkettsü imlaba lemsatepba den coach tem dang kanga junga angazüker lanur asayartem anitettsü ajungshi.

Tir-isa, D licence course ayongzüka agitsü atema

maongka agütsüba atema NFA dang kanga pelaba lemsatep.

AIFF-D License Coaching Course ajanga grassroot level nung football coaching indang tangazükba agütsür. A D-Licence bena alir yagi Grassroots football, college aser school team tem, District aser Inter-city Championship tem nung coach mapa inyaktettsü.

Coaching course nung theory aser practical lesson tem densema lir. Course tembangba sülen shirnoki takok ngutetdir parnok nem AIFF "D" Coaching Certificate agütsütsü.

Karman Kaur Thandi-i ITF W60 Evansville kokogo



(Agencies): Karman Kaur Thandi-i, Evansville, USA nung asayaba ITF W60 Evansville asayamung nung tetsür kija asaya kokogo. Iba asayamung akokba sülen Karman ya India tsürtem rongnungi Sania Mirza sülen US nung pro title ka abenba tanabuba asayar kümogo.

Tetsür kija asaya final nung lai Ukraine tsür Yuliia Starodubtseva 7-5, 4-6, 6-1 agi koka liasü.

Iba asayamung akokba sülen

rankings nung top 210-i aitsü aser US Open qualifiers atema jenjang ka ajangzüktetogo.

Iba asayamung final asaya ya taoba ita W60 Sumter final asayashiba ama liasü, kong Thandi 7-6(5), 5-7 4-6 agi tamakok ngua liasü.

Iba asayamung mezüngbuba round nung Karman-i Mexico tsür Maria Fernanda Navarro akok aser tanabuba round nung United States tsür Maribella Zamariippa koka liasü. Iba sülen quarter-finals nung lai United

States tsür Allie Kiick 6-3, 6-3 agi straight sets nung koka liasü. Maneni lai semifinal asaya nung United States tsür McCartney Kessler koka final tongteta liasü.

Karman tang WTA singles rankings nung jenjang 261 nung lir aser linük nungi tetsür asayartem rongnung tanabuba jenjang nung lir.

Kasa mapang nung lai tawa Canada nung W60 Saskatoon Challenger nung tarep asaya aser US nung asayaba W60 Sumter Palmetto Pro Open kija asaya nung tanabuba jenjang tongteta asayaogo.

Round Glass Tennis Academy nungi nüngtugu coach aser Technical Director Aditya Sachdeva aser par team-i Academy nung Karman nem training agüja arudar. La asayaba yimya indang jembiba mapang coach Aditya Sachdeva-i, "asayamung ana tashi nung tanabuba jenjang nung tembangba sülen mapang tajung ka nung lai iba asayamung kokogo aser iba ajanga la US Open atema renemshiba mapang la sasa dak temulung lemteta kümdaktsütsü. Lai tawa kanga junga asayaba ya lai kanga meranga inyakba ajanga lir aser iba dak ajemdaker la tejkdangi aotsü imla atar," ta ashi.

Tuensang nung Inter-High School Badminton Tournament asayatsü

Dimapur, Chiteni/July 24 (TYO): District Administration aser District Election Office na den longjemer Tuensang District Badminton Association-i ayongzüka Inter-High School Badminton Tournament asayatsü.

Iba asyamung ya July 28 aser 29 nü asayatsü atema renema lir.

Asayamung ya Systematic Voter's Education and Electoral Participation (SVEEP) Campaign nung shilem ka lir koba "Educate the Student on Electoral Participation" omen dak rangloker inyaksangshir.

Inter-High School Badminton Tournament atema Tuensang jila kübok aliba school ajak dang pei school team shima asayartem indang osang tejangja July 27 nü tashi nungbo Deputy Commissioner indang Office nung benoktsü metetdaktsüogo.

Asayamung nung school shia nungi tetsür aser tebur asaya nung tarep asaya ka aser kija asaya ana alitsü. Asayamung dak sendakba nung osang tejangja agitsü atema iba number: 8731952378 den tongteprateptsü asayamung ayongertemi metetdaktsüogo.

Japan Open atema India nunger asayartem renemer

Chiteni/July 24, 2023 (Agencies): Deobarnü Korea

Open tebur tarep asaya akokba sülen Satwiksairaj Rankireddy aser Chirag Shetty na Mongolbarnü nungi tenzüktsü aliba Japan Open Super 750 badminton asayamung nunga takok tajung angutsü timla tulu nung lir.

2022 Commonwealth Games akokba India nunger tarep yagi Deobarnü Korea Open final nung world No. 1 tarep Fajar Alfian aser Muhammad Rian Ardianto na koka liasü.

Tena tang kanga junga asayaba mapang ka lir aser tenati taküm Swiss Open, Asian Championships aser Indonesia Open dena kokogo. Japan Open nung tena Indonesia nunger tarep Leo Rolly Carnando aser Daniel Marthin na den mezüng asayatsü.

Paris Olympics asayatsü küm ka anunga lia Sindhu atema tang junga masayatetba mapang ka lir. La yirur külen nungi junga masayateti arudar aser taküm BWF World Tour events 12 nung trok nungbo mezüngbuba round nung tsükogo.

Sindhu Korea Open nunga ranking nung la kübok aliba asayar Pai Yu-Po-i tsükdakja liasü. Lai asaya nung kanga aibelen menar aser la kübok aliba asayartem dena point nguteta masayar. Japan Open nung la Zhang Yi Man den asayatsü, shiba lai Malaysian Open quarters nung kokogo.

La mezüngbuba round ajangtetra Tai Tzu Ying den

asayashitsü akok shibai la 19 ben koka lir.

Tebur kija asaya nung Prannoy shibai May ita Malaysia Masters nung mezüngbuba BWF World Tour title benogo, pa mezüngbuba round nung China nunger asayar Li Shi Feng den asayatsü. Pa Korea Open nung tanabuba round nung tsüka liasü.

Kasa mapang nung Kidambi Srikanth-a Chinese Taipei nunger asayar Chou Tien Chen den asayatsü. Tenapronglai mezüngbuba round ajangtetra tena tanabuba round nung asayatsü aser quarter nung top-seeded Viktor Axelsen den asayatsü.

Lakshya Sen, shiba iba ita tetenzüklen Canada Open akokba sülen Korea Open nungbo masayai liasü, pa-a Japan Open nungbo asayatsü. Pa mezüngbuba round nung India nunger asayar Priyanshu Rajawat den asayatsü. Mezüngbuba round ajangtetra Sen tanabuba round nung second-seeded Anthony Sinisuka Ginting den asayatsü.

India nunger rongnungi Malavika Bansod, Japan nunger asayar Aya Ohori aser Aakarshi Kashyap, top-seeded Akene Yamaguchi den asayatsü.

Maneni tebur tarep asaya nung MR Arjun aser Dhruv Kapila na Malaysia nunger tarep Aaron Chia aser Soh Wooi Yik na den asayatsü aser tetsür tarep asaya nung Treasa Jolly aser Gayatri Gopichand na

Japan tsür Sayaka Hobara aser Yui Suizuna na den asayatsü.

BILEMDANGANG

"Ain adokba, sasaba, shisaboluba aser dangar dang jashiba nung nü mapang teindok."